

Առաջին զեկուցումն ես վերջացրի այն հաղորդագրութեամբ, թէ ռազմական գործողութիւնները շարունակուած են և մեր զօրքերը մասնակի յաջողութիւն են ունեցել: Յետագայում ռազմական գործողութիւնները այնպիսի ընթացք ստացան, որ հայկական բանակի հրամանատարութիւնը ստիպուած եղաւ տաճիկ հրամանատարութեանը զինադադարի առաջարկ անելու. հակառակորդի կողմից այդ առաջարկն ընդունեց: Ռազմական գործողութիւններին զուգընթաց կառավարութիւնը չղաղարեց յիմելու նաև դիւանագիտական միջոցներ. նախքան զինադադարի առաջարկ անելը՝ կառավարութիւնը նոյեմբ. 3-ին յատուկ գրութեամբ մէկ դիմում արեց Անգլո-րայի կառավարութեանը՝ առաջարկելով բանակցութիւններ սկսել և վերջնական հաշտութիւն կնքել Տաճկաստանի և Հայաստանի միջև: Տարօրինակ զուգադիպութեամբ Անգլո-րայի կառավարութիւնը մեզնից առաջ՝ նոյեմբ. 2-ին դիմում է եղել կատարած՝ միևնոյն մտքով, բայց կառավարութիւնը այդ գրութիւնը ուշ է ստացել:

Որպէսզի միանգամայն պարզւի ձեր առաջ դիւանագիտական բանակցութեանց և զինադադարի ընթացքը, ես կը կարդամ այն բոլոր գրութիւններն ու հեռագիրները, որոնք փոխանակուել են Հայաստանի կառավարութեան և Անգլո-րայի կառավարութեան ու տաճկական ուժերի հրամանատարութեան միջև:

Ահա, թէ ինչ է դրում մեզ Անգլո-րայի կառավարութիւնը նոյեմ. 2-ին:

2 նոյեմբ. 1920 թ. Անգոսթա, № 263

Հայկական Հանրապետութեան Արտաքին Գործերի պ. Նախարարին

Երևան

Այժմ, երբ լիակատար յաղթութիւնը գալիս է պսակելու մեր արևելեան բանակի ջանքերը, Տաճկաստանի Ազգային Մեծ Ժողովն ուզում է կրկնել հայ Ժողովրդին արդէն առաջները իր արած խաղաղութեան առաջարկը և նորից հաւաստիացնել, որ նա չի ձգտել անցեալում ոչնչացնել Հայաստանը, խլել նրանից իր անկախութիւնը կամ վտանգել որևէ կերպով նրա իրաւունքները, սակայն, մենք կարծում ենք, որ պարտաւոր ենք պահանջել Հայաստանի կառավարութիւնից, որ նա նոյնպէս վարւի մեզ հետ և դադարի Արեւելքում բրիտանական իմպերիալիզմի խոնարհ գործիքը լինելուց: Մենք համոզուած ենք, որ թիւրք և հայ Ժողովուրդների իրարու դէմ վարած երկարատե արիւնահեղ կռիւները՝ մինչև 1918 թւականը՝ զլխաւոր պատճառ են ունեցել յաւակնութիւնները ցարիզմի, որը ձգտում էր տարածել իր իշխանութիւնը Արեւելեան Անատոլիայի վրա: Յարակաւն բեժիմի տապալումը առաջ բերեց հանդատութեան չըջան, շնորհիւ այն սառնարիւնութեան, որ ռուսական զօրքերի հեռանալուց յետոյ, Տաճկաստանը կարողացաւ պահել հայկական հրոսախմբերի կատարած սոսկալի ջարդերի հանդէպ:

Պաղաղութիւնը, որ մենք այնքան ջանքերով վերականգնեցինք, նորից խախտեց, երբ իմպերիալիստ Անգլիան յաղթանակելով՝ կամեցաւ պահել Միջագետքը և ձեռք դնել Պարսկաստանի ու Բագդի նաւթաշատ շրջանի վրա:

Յարկովին ծառայելուց յետոյ, Հայաստանն այս անգամ Անգլիայի նպատակներին ծառայեց և մեր դէմ բաց արեց նոր դարաշրջան թշնամութեան, որ շարունակուած է դեռ ևս ի մեծ չափ Լոնդոնի Փինանսիստների: